



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1494 usque ad annum 1507

Fleury, Claude

August. Vind. [u.a.], 1769

VD18 90118448

§. 135. Vasquesii Gamæ navigatio in Indias Orientales.

[urn:nbn:de:hbz:466:1-67025](https://nbn-resolving.org/urn:nbn:de:hbz:466:1-67025)

Sæcul. XV.

A. C. 1497.

§. CXXXV.

Vasquesii Gamæ navigatio in Indias Orientales.

Marian. hist.
hisp l. 28 n.
90. & seq.
Maffeus l. 1.
Barros l. 4.
cap. 9.

Interea Lusitanæ Rex, cum animo constituisset, ad Indias viam explorare, quæ hucusque inveniri haud poterat, quamvis satis amplius existarent documenta, hinc operi conficiendo Vasquesium de Gama natione Lusitanum præfecit, quatuor navigiis instructum. Hic ergo die nona Julii anno Salvatoris millesimo quadringentesimo nonagesimo sexto ex litore solvit, ac unacum Paulo de Gama suo fratre, Nicolao Cœillo, aliisque nonnullis belli Præfectis animi fortitudine, ac rerum experientia inclytis Mosambicum appulsus est, ubi a Governatore Naclerum sibi concedi postulavit, qui viæ ducem ageret. Annuit haud cunctanter Governator, ratus, naves a se conspectas Turcarum copiis instructas esse: cum vero errorem edoctus esset, Naclero negotium dedit, ut Lusitanos ad portum Quiloæ deduceret; sperabat enim, eos certo ibidem perituros. At Gama perfidiam subodoratus, portum intrare renuit, sed continuato, quem ceperat, cursu Melindam pervenit, cujus regni Princeps classis Præfectum alloqui ambiens, ad oram descendit,

dit, ac explorato illius proposito eidem Sæcul. XV. A.C. 1497.
Navarchum integræ fidei virum adjunxit, a quo tanta dexteritate, ac navigandi felicitate devehebatur Gama, ut post vigesimum secundum navigationis diem, maris sinu obliquis velis emenso, jam vigesimo Maji die Anno reparatæ salutis millesimo quadringentesimo nonagesimo septimo classem ad Calecuti litus adpelleret, quamvis hoc Regnum septingentis circiter leucis Melinda distaret. Ergo Gama anchoras jacere præcipit, altero ab ora lapide, eo quod subsidentes maris undæ propiorem ad litus accessum denegarent. Demum data ei fuerat copia non modo suos in terram exponendi, sed ipsius Imperatoris, quem hujus regionis incolæ *Zamorinum* nuncupant, conspectum subeundi; igitur regni Metropolitim bidui intervallo a maris litore discretam Gama accessit, ab Imperatore perbenigne exceptus, obtenta etiam liberi commercii facultate.

Verum Mahometani metu agitati, ne per novam hanc Lusitanorum coloniam maximi quæstus spes ipsis interdiceretur, Zamorino suggerebant, Vasquesium de Gama non nisi ementitum Oratorem, re autem ipsa Piratarum principem esse. Zamorinus his auditis ex ipso

N 4

Gama

Sæcul. XV.

A.C. 1497.

Gama rei veritatem edoceri voluit, & quamvis Nobilis ille Lusitanus cuncta ejus dubia plene dissolvisset, nihilominus Imperatori semper Viri fides suspecta erat; unde Gama sibi a Mahometanis insidias parari veritus, clam Calecuti discessit, ad sua navigia reversus; cum vero vela faceret, Indorum nonnulli, quos patrio nomine *Zambuccos* nominant, navibus suis occurrunt, aditum inhiberi; attamen ille crebra tormentorum explosione periculum dextre eluctatus, rursus ad Anchedinæ Insulam delatus est, ubi cum haud procul Timoju Pirata navim suam applicuisset, ac tenebrarum beneficio Gamam aggrederetur, grandinantes inter sclopos, interque volitantes tormentorum globos a Lusitanis exceptus, vela ad fugam vertere compulsus est. Capta aliquot dierum quiete Gama longius in altum procurrens, Ulyssiponem regressus est, navigationis suæ rationem Lusitanæ Regi redditurus. Conduxit secum Æthiopem quemdam nomine Moncaidem, qui in Lusitaniam veniens, ac Christianorum sacris initiatus, vitam multis virtutum ornamentis illustrem transegit: Præterea complures Indos reditus sui socios habuit, quarum corporis habitudo, indoles, fusca facies, idioma, gestus, ac vestium cultus in omni-

omnibus eos videndi & alloquendi deside- Sæcul. XV.
 rium accendit. Ceterum Gama Ulyssi- A.C. 1497.
 ponem non nisi exeunte Mense Augusto
 anni salutis millesimi quadringentesimi
 nonagesimi noni redierat.

§. CXXXVI.

*Perkinus ex Hibernia in Scotiam
 profectus.*

In Anglia Perkinus fraudum artifex, pri-
 mis adversantis fortunæ injuriis ni-
 hilo magis territus, in Flandriam rever-
 titur, viduam Burgundiæ Ducissam in-
 visurus, a qua, perinde ac si omnem do-
 li fabricam feliciter absolvisset, haud
 remissioribus benevolentiae signis exce-
 ptus est. Post hæc Ducissæ bene visum,
 Perkinum in Hiberniam mittere, ubi e-
 tiam pervenit, Henrico interea Senatam
 suum Londini convocante. Verum cum
 ibidem portus securitate ac factiosorum
 auxilio destitutus esset, & Poyningus
 Regis auctoritatem firmiter ibi, poten-
 terque stabiliisset, in Scotiam secessit, a
 Jacobo IV. Rege perbenigne receptus,
 eoquod ille Henrico infensus esset, atque
 ad tuenda Perkinij jura a Burgundiæ vi-
 dua, Carolo Galliarum Rege, & Maxi-
 miliano Cæsare impense sollicitaretur;
 uterque enim Angliæ Regi vehementer
 N 5 indi-